

苗疆聞見錄卷之中

義甯徐家幹稚蘇稿

白土寨

白土寨在九股河下游西北依山東南臨河咸豐
間苗酋張臭迷潘老冒恒聚眾於此楚軍由偏寨
越山抄襲而入苗潰遁乘勢進擊革色冒金孔桑
長寨榮山稿仰廣福屯沿河十餘里悉定之

卷中

台盤

台盤為九股河深阻之處複嶺重岡山徑歎仄悍
苗狡逞恒窟穴焉同治間楚軍進討啣枚夜襲相
近之養南箕簸南瓦南莊等寨皆一鼓下之

白水

白水據九股河上游依山面洞叛苗每據以為險
由施洞口歷報効而進羊腸一线路不容騎同治
間楚軍進襲分道緣崖入寨乃平

斬麻也

斬麻也在九股河西此有上下五六寨距大燒寨
十餘里為台拱八凱里間道咸豐間苗酋金大五
等分踞大燒寨恒恃此為藩籬其前箕箒寨則外
蔽也同治間楚軍由排生進襲奪其地利乃毀之

蓮花地

蓮花地在台拱南西倚番招東連雞擺尾山高峻
絕勢成天險雍正間苗亂官軍圍攻經數月始下
同治九年亂苗窮竄曾遁踞之

雞擺尾

雞擺尾在清江西南橫梗台拱丹江古州之交咸
豐間苗叛勾結烏沅烏文溝雞風堂白滂松庫養
以黨束么拉坳東都白七東庫等寨扼要拒守而
實趨重于烏流之一隅烏流前當台拱山徑逼仄
益可恃為險者楚軍至先由同直襲破烏流進拔
其寨苗失險附近諸峒遂各相率乞撫而台拱入
丹江之路乃以無阻焉

革冬

革冬在台拱北境為印水入台拱要道山勢險峻
威靈間苗亂立卡守此抗拒官軍極稱嚴固楚軍
由清水北岸五岔搶流進逼苗潰敗乘勝攻苗江
寨平之苗江者羣酋積聚處也西南有楊柳関距
台城凡十五里云

新架

新架在台拱東北清水江南岸同治間苗酋張臭
述等敗於革冬集黨據此時出白神坳烏門坡扒
坳以牽綴官軍楚軍乘間進先奪平扒坳分兵越
河襲之別遣將截其後山大其寨並斬悍酋潘也
耶張降迷於陣寨乃毀

斬復

斬復在台拱東南距城二十五里苗酋潘老冒老
巢也背山面壑異常險阻同治間楚軍既克台城
分取番省高巖報恩南雄等寨三路進逼始平之

卷中

五

地州

地州在印水東南三十里咸豐中苗叛逆酋潘老
冒聚黨據之楚三面進擊拔其寨附近之內寨六
苗稿用鬼科黃牯屯等寨援賊大至我軍環戰苗
潰遁於是挾金苗懼乃焚鬼洒寨降之

董教

董教在清江廳北偏西之處號稱清江大寨孤峯
峻絕寨據其巔楚軍至撲之苗轉石下不得前既
有趨捷者冒石礮升適石躍樹過無阻遂乘勢搶
登叙其轉石者苗方駭愕各軍已一鼓而上苗敗
竄禽斬並墜崖死者不計而於是城苗失險不復
能振

番排

番排在清江廳西距城二十里北倚清水江南臨
南稍河山勢峻峭路徑欹仄咸豐間苗叛據守廳
城恃此為險楚軍間道襲其寨越叢樹均迤南而
下白所踏平章漢烏庫進取公鷺均直薄城下城
乃克

千甕板苗酋龍老心宋阿祿叫烏苗酋龍九松蓑
衣坡苗酋阿的樓梯坪苗酋阿敦白洗苗酋九博
龍九博望併草藥苗酋阿拉山丙苗酋阿麻老報
皆斬於陣自是南岸之賊皆懾兵威不敢北渡矣

白洗

白洗為施秉屬境距施洞口兩日程有洞深數里中
有泉流不知出於何處而其深則不可測也苗既
亂附近數寨之苗悉聚其中洞口築礮樓環以土
圍復修堅卡列木城守之楚軍至攻毀木城乘勢
火其礮樓苗悉退入洞乃逼洞而營納以柴縱火
燒薰之斃苗不計火後有逸而出者拏問之據稱
煙燄盛時伏近水泉得免於死然而倖免者亦僅

矣

巖門

巖門在黃平州東南緊臨清水江北岸東至新城約二十餘里叛苗抗命每以東北猴子坳石象寨為險焚軍自新城進襲先奪其險苗潰遁

夔壩寨

夔壩寨在黃平州之南後倚崖壁窺峩峭峻左右環山盤迴陝絕中有洞足資屯積只一徑可通出入咸豐間苗叛屢攻不下楚軍至先由仰朵進襲攻拔加巴牛場老虎寨腊里巖鷹堡王家排青山寨來勝掃蕩黃飄白堡平安堡楓香寨何家寨等數十寨掃蕩百十里進兵于此別將截其後路分軍循左右山進苗恃險守拒不能入突有死士數

十

十

十人攀條椽而下苗驚潰各軍乘勢並進斬首數千級而驛道以通

烏鴉坡

烏鴉坡在凱里南境山勢雄峻迤邐約二十里牛
南坡里鸞寨附之同治十一年苗酋張臭迷楊大
六姜老拉潘老冒金大五巖大五等被勒窮竄復
集諸敗苗聚踞於此勢將銳走楚軍分兵圍擊生
擒張臭迷楊大六姜老拉潘老冒並陳斬大九白
巖大五等首一鼓平之奏稱盪平烏鴉坡全股苗
巢是也

卷中

十一

蠟樹坳

蠟樹坳在四脚牛水口寨東十五里為下達通道
要隘山勢險峻中通一線自播揚所取道葛坡經
平架而入羊腸鳥道悉皆艱阻出洪州而達平架
繞行山麓亦不容騎咸同之間逆苗負固和字六
營屢攻不得入擄之而退光緒初苗酋石士剛等
應游匪張瑞林為亂復恃此為險斷路立卡稱天
塹焉

清水江

清水江盤折苗疆源出都勻烏尾河經凱里西北
會於重安江徑施洞口過清江廳出遠口而入湖
南清深可通舟實沅水之上流北史郭榮傳黔安
首領曰羅豹阻清江作亂即此其自貴陽府治貴
築西南合龍里貴定諸水北流入烏江者亦曰清
水江則黔江之別派也明天啟初安邦彥圍貴陽
撫臣王三善分兵由清水江馳救是矣

文德閣

鎮遠西五里曰文德閣勢陡峻又西近偏橋處有
相見坡皆由郡達省要道坡凡三重中阻大溪行
旅未往盤旋如蟻沿磨行登首坡則尾坡見至尾
坡回矚則首坡見立中坡前後望則首尾皆見此
以手招彼以口應視在咫尺而路已隔三十里之
遙矣

金鐘山

施洞口北岸十五里有金鐘山高千仞形如覆鐘
四面陡絕只一徑僅尺許紆折而上上稍平其東
麓為唐頭哨楚軍進取施洞口屯兵於此實有居
高臨下之勢 施秉縣東十里有諸葛洞踞鎮陽
江上流八一各巖蓬洞一兩岸山勢類皆飛崖絕
壁有鸞鷲灘芙蓉洞等名江水發源黃平東流至
此而出行亂石窟中盤渦頓仄不能行舟故舟行

卷中

十一

至鎮遠而止

長灘

清江廳之西有長灘計水程十里為清水江第一險處兩岸夾激中溜成槽舟行上下咸有戒心

卷中

古

鉏廠

凱里東南三十里有鉏廠產鉛楚軍進駐苗疆採鑄破彈足敷軍用或謂蠱毒中人磨取其汁可飲而解之

重安江

重安江在黃平州南三十里源出平越猪梁江過重安驛而注清水江兩山夾岸水深莫測向日維舟為渡咸豐間毀於苗周君達武率川軍援黔修橋跨其上兩岸賞以鉄索上覆木板行旅稱便焉

卷中

五

古州諸葛營

古州西南有諸葛營即鄂文端勦撫古州生苗疏內所稱諸葛大營相傳為武侯屯軍之處方輿紀要武侯南征亦至盤江而於古州猶相距之遠其以名者或亦聲威所至云

雷公山諸葛台

雷公山之顛有地名諸葛台咸豐間苗叛有教匪楊大和者不知何處人自方諸葛亮盤踞於此煽惑各苗酋奉為軍帥並造偽王府鑄偽印偽錢楚軍至猶焚香誦咒戒諸苗無恐軍趨入縛而磔之苗始遁

永從六洞

永從南六洞境內有下皮林山一名過化山有石壁題刻過化二字苗人歲用石灰填之否則病目

新疆六廳

苗人聚處一隅周環千里雍正乾隆中間設六廳
即所稱為新疆者六廳外境為熟苗輸租服役稍
類編氓其居六廳深處不共租役者則皆謂之生
苗蓋均有虞時三苗之裔云

苗疆聞見錄卷之中終

卷中

七